

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
কারিগরি ও মাদ্রাসা শিক্ষা বিভাগ
আইন শাখা-১
পরিবহণ পুল ভবন (কক্ষ নং-৯১২)
সচিবালয় লিংক রোড, ঢাকা।

পত্র সংখ্যা-৫৭.০০.০০০০.০৪৬.০৪.১১৬.১৯-৫৯০

তারিখঃ ০২ অগ্রহায়ণ ১৪২৬ ব.
১৭ নভেম্বর ২০১৯ খ্রি.

বিষয়ঃ রিট পিটিশন নং-৮৮৭৪/২০১৯ মামলার বিষয়ে আইনানুগ পদক্ষেপ গ্রহণসহ গৃহীত ব্যবস্থা সম্পর্কে এ বিভাগকে অবহিতকরণ সংক্রান্ত।

সূত্রঃ মাননীয় উচ্চ আদালত হতে প্রাপ্ত রিট পিটিশন নং-৮৮৭৪/২০১৯ মামলার রুলনিশি ও আর্জির কপি।

উপর্যুক্ত বিষয়ে সূত্রের মাধ্যমে মাননীয় উচ্চ আদালত হতে প্রাপ্ত রিট পিটিশন নং-৮৮৭৪/২০১৯ মামলার বিবরণ নিম্নরূপঃ

রিট পিটিশন নং	পিটিশনার	রেসপনডেন্ট	মামলা দায়েরের কারণ/বিষয়
৮৮৭৪/২০১৯	জনাব মালা বেগম, সহকারী শিক্ষক (সামাজিক বিজ্ঞান), বাগান ইসলামিয়া আলিম মাদ্রাসা, উপজেলা-ত্রিশাল, জেলা-ময়মনসিংহ।	সচিব, টিএমইডি, ডিজি, মাউশিঅ, ডিজি, ডিএমই ও আরো অন্যান্যসহ মোট ০৯ (নয়) জন।	ময়মনসিংহ জেলার ত্রিশাল উপজেলাধীন বাগান ইসলামিয়া আলিম মাদ্রাসায় পিটিশনার জনাব মালা বেগম ২৭/০৮/২০১৪ তারিখে লিখিত ও মৌখিক পরীক্ষায় প্রথম স্থান অধিকার করে কমিটির সুপারিশ অনুযায়ী ২৭/০৮/২০১৪ তারিখে সহকারী শিক্ষক (সামাজিক বিজ্ঞান) পদে নিয়োগপ্রাপ্ত হন এবং ৩০/৮/২০১৪ তারিখে যোগদান করেন। একই ধরনের আরো ০২ জন শিক্ষক (জনাব মো: আব্দুর রশিদ, সহকারী মৌলভী ও আশরাফুন নাহার, জুনিয়র শিক্ষক) মামলাজনিত জটিলতার কারণে এমপিওভুক্ত হতে পারেননি। অতঃপর কর্মরত থাকা অবস্থায় প্রতিষ্ঠান কর্তৃক এনটিআরসিএ-তে উক্ত শিক্ষকদের পদ শূন্য দেখানো হয় এবং উক্ত প্রতিষ্ঠানের নামে পদগুলো শূন্যমর্মে এনটিআরসিএ হতে ১৯/১২/২০১৮ তালিকা প্রকাশ করা হয়। উক্ত তালিকার ১৯৩ নং ক্রমিকে পিটিশনারের পদটি শূন্য দেখানো হয়েছে। তৎপরবর্তীতে বিষয়টি তদন্তের জন্য জনাব মো: আব্দুর রশিদ, সহকারী মৌলভী ও আশরাফুন নাহার, জুনিয়র শিক্ষক কর্তৃক জেলা শিক্ষা অফিসার, ময়মনসিংহ বরারব আবেদন করা হলে উপজেলা মাধ্যমিক শিক্ষা অফিসার, ত্রিশাল, ময়মনসিংহ কর্তৃক তদন্ত করা হয়। উক্ত তদন্ত রিপোর্টে বলা হয়েছে সামাজিক বিজ্ঞান পদে নিয়োগ পেয়েছেন মালা বেগম এবং এমপিওসীটে পূর্বে সামাজিক বিজ্ঞান পদে পদত্যাগকারী শিক্ষকের নাম থাকায় তিনি এমপিওভুক্তির জন্য আবেদন করতে পারেন নাই মর্মে উল্লেখ করা হয়েছে। ফলে উক্ত তালিকায় ১৯৩ নং ক্রমিকে বর্ণিত পিটিশনারের পদটি শূন্য দেখানোর বিরুদ্ধে এবং তার নাম এমপিওভুক্ত করার জন্য সংশ্লিষ্টদের প্রতি নির্দেশনা প্রদানের দাবীতে পিটিশনার জনাব মালা বেগম কর্তৃক মাননীয় উচ্চ আদালতে রিট পিটিশন নং-৮৮৭৪/২০১৯ মামলা দায়ের করা হয়।

০২। উল্লেখ্য গত ২১/৮/২০১৯ তারিখে মাননীয় আদালত কর্তৃক শুনানী অনিষ্পন্ন রেখে পিটিশনারের পদে এনটিআরসিএ'র ১৯/১২/২০১৮ তারিখে প্রকাশ করা তালিকার ১৯৩ নং ক্রমিকে পিটিশনারের পদটি শূন্য দেখানো কেন বেআইনী ঘোষণা করা হবেনা; এবং পিটিশনারকে বর্ণিত প্রতিষ্ঠানে ইনডেক্স নম্বর প্রদান তথা এমপিওভুক্ত করার জন্য কেন নির্দেশনা প্রদান করা হবেনা; সে মর্মে ১৮/০৯/২০১৯ তারিখ অথবা উক্ত তারিখের পূর্বে কারণ দর্শানোর জন্য প্রতিপক্ষগণের প্রতি নির্দেশনা প্রদান করা হয়। একই সাথে এনটিআরসিএ কর্তৃক ১৯/১২/২০১৮ তারিখে প্রকাশ করা তালিকার ১৯৩ নং ক্রমিকে পিটিশনারের পদটি'র উপর কার্যক্রম আদেশ জারির পরবর্তী ০৬ (ছয়) স্থগিত রাখার জন্য প্রতিপক্ষগণকে নির্দেশনা দিয়ে এক অন্তর্বর্তীকালীন আদেশ দেয়া হয়।

০৩। উপরিউক্ত নির্দেশনামতে রিট মামলার ২১/৮/২০১৯ তারিখের অন্তর্বর্তীকালীন আদেশ অনুযায়ী প্রয়োজনীয় আইনানুগ ব্যবস্থা গ্রহণপূর্বক সরকার পক্ষে জবাব (Affidavit in Opposition) দাখিল করা হয়েছে কিনা? না হয়ে থাকলে জরুরিভিত্তিতে মহামান্য আদালতে জবাব (Affidavit in Opposition) দাখিলের ব্যবস্থা গ্রহণক্রমে এ বিভাগকে অবহিত করা আবশ্যিক। এখানে উল্লেখ্য যে, অন্যতম রেসপনডেন্ট হিসেবে NTRCA এর জন্য প্রযোজ্য অংশের জন্য জবাব দেয়া প্রয়োজন।

০৪। এমতাবস্থায়, রিট পিটিশন নং-৮৮৭৪/২০১৯ মামলার ২১/০৮/২০১৯ তারিখের অন্তর্বর্তীকালীন আদেশ প্রয়োজনীয় আইনানুগ ব্যবস্থা গ্রহণক্রমে সরকার পক্ষের জবাব (Affidavit in Opposition) দাখিল করা হয়েছে কিনা? হয়ে থাকলে এর হালনাগাদ তথ্যাদি, না হয়ে থাকলে জবাব (Affidavit in Opposition) দাখিলক্রমে আগামী ২৮/১১/২০১৯ খ্রি: এর মধ্যে টিএমইডি-কে অবহিত (প্রমাণকসহ) করার জন্য নির্দেশক্রমে মহোদয়কে অনুরোধ করা হলো।

(মো: আ: খালেক মিঞা)
সিনিয়র সহকারী সচিব (আইন)
ফোন-৪১০৫০১৫৭।

- ১। মহাপরিচালক, মাদ্রাসা শিক্ষা অধিদপ্তর, রেডক্রিসেন্ট বোরাক টাওয়ার, লেভেল-৩
৩৭/৩/এ, ইস্কাটন গার্ডেন রোড, রমনা, ঢাকা।
- ২। চেয়ারম্যান, বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ),
রেডক্রিসেন্ট বোরাক টাওয়ার, লেভেল-৪ ও ৫, ৩৭/৩/এ, ইস্কাটন গার্ডেন রোড, রমনা, ঢাকা।

অনুলিপি সদয় জ্ঞাতার্থে/কার্যার্থে:

- ১। সচিব মহোদয়ের একান্ত সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা (সচিব মহোদয়ের সদয় অবগতির জন্য)।
- ✓ সিস্টেম এনালিস্ট, কারিগরি ও মাদ্রাসা শিক্ষা বিভাগ, শিক্ষা মন্ত্রণালয় (পত্রটি ওয়েবসাইটে প্রকাশের অনুরোধসহ)।
- ৩। অতিরিক্ত সচিব (মাদ্রাসা) মহোদয়ের ব্যক্তিগত কর্মকর্তা, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা
- ৪। অতিরিক্ত সচিব (অডিট ও আইন) মহোদয়ের ব্যক্তিগত কর্মকর্তা, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা
- ৫। অফিস কপি/মাস্টার কপি।